



SIPÈVIZÈ ELEKSYON, KONTE MIAMI-DADE, FLORID

RÈGLEMAN SOU DEMANN BILTEN VÒT PA KORESPONDANS

W kapab fè swivi bilten vòt pa korespondans w an lè w ale sou sit entènèt nou an www.miamidade.gov/elections/ab-status.asp.

Nenpòt votè enskri ki elijib pou vote nan yon eleksyon kapab fè demann pou yon bilten vòt pa korespondans nan fason swivan yo. Demann yo ap asepte pou yon eleksyon pa pita ke 5 pm nan 6^{yem} jou anvan eleksyon an.

1. **SOU NTÈNÈT/PA IMEL/PA FAKS** – Yon demann bilten vòt pa korespondans gendwa fèt sou entènèt, tanpri ale sou: <https://www.electionsfl.org/miamidade/index.php?mais=Y> pa imel nan abunit@miamidade.gov oswa pa faks nan 305-499-8401. Tanpri asire w ke w enkli enfòmasyon swivan yo nan demann w an:
 - Non votè a ekri an lèt detaye
 - Adrès rezidans aktyèl (Si adrès kote pou yo voye bilten vòt la pa menm ak adrès rezidans lan, se pou yo soumèt yon demann alekri ansanm ak siyati votè a).
 - Dat nesans
 - Nimewo enskripsyon votè a (pa obligatwa).
 - Dat eleksyon oswa eleksyon yo pou ki w bezwen yon bilten vòt pa korespondans.
2. **PA TELEFÒN** – Yon demann bilten vòt pa korespondans gendwa fèt pa telefòn. Tanpri rele 305-499-8444 pou mande bilten vòt pa korespondans w. Wap bezwen bay enfòmasyon sa yo:
 - Tout non votè a
 - Dat Nesans
 - Adrès rezidans aktyèl (Si adrès kote pou yo voye bilten vòt la pa menm ak adrès rezidans lan, se pou yo soumèt yon demann alekri ansanm ak siyati votè a.)
3. **ALEKRI** – Yon demann bilten vòt pa korespondans gendwa fèt alekri. Demann alekri yo fèt pou enkli enfòmasyon swivan yo:
 - Non votè a ekri an lèt detaye.
 - Adrès rezidans aktyèl.
 - Adrès kote pou yo voye bilten vòt la (si li pa menm ak adrès rezidans lan)
 - Dat nesans.
 - Nimewo enskripsyon votè a (pa obligatwa).
 - Dat eleksyon oswa eleksyon yo pou ki w bezwen yon bilten vòt pa korespondans.
 - Siyati votè a.
4. **AN PÈSÒN** – Lè yon demann bilten vòt pa korespondans ap fèt an pèsòn, se pou prezante yon kat didantite ak foto, non ak siyati votè a.
5. **LIVRE A REPREZANTAN VOTÈ A** – (*Yon limit de (2) bilten vòt pou chak eleksyon, sèlman youn ladan yo ki kapab pou yon votè ki pa mari/madanm, paran, pitit, gran paran oswa sè/frè reprezantan an.*) Si yon reprezantan se yon fanmi pwòch, li kapab ale pran yon bilten vòt pa korespondans nan Depatman Eleksyon Miami-Dade, **2700 NW 87th Avenue, Doral, FL 33172**, jou anvan eleksyon ak jou eleksyon an menm. Si reprezantan an se pa yon fanmi pwòch, se jou eleksyon an sèlman pou li reklame bilten vòt la. Moun ke w deziye pou reprezante w la fèt pou ranpli yon affidavit, disponib sou paj sitwèb nou an www.miamidade.gov/elections, ki deklare ke reprezantan an gen otorizasyon votè a pou li retounen bilten vòt votè a epi endike relasyon li ak votè a. Se pou reprezantan an prezante yon kat didantite ak foto li epi yon demann alekri de votè an avèk enfòmasyon sa yo:
 - Non votè an ekri an lèt detaye.
 - Nimewo telefòn votè a lajounen.
 - Dat nesans votè a.
 - Nimewo enskripsyon votè a (pa obligatwa).
 - Dat eleksyon pou ki w bezwen bilten vòt pa korespondans la.
 - Non moun kap vin chèche bilten vòt pa korespondans la.
 - Si votè a se yon fanmi pwòch reprezantan an, rezon pou ki votè a bezwen yon moun vin chèche bilten vòt pa korespondans la.
 - Si votè a se pa yon fanmi pwòch reprezantan an, se pou reprezantan an bay yon deklarasyon alekri siyen pa yon doktè sou papye ofisyèl doktè a ki di ke se pou rezon medikal votè a oswa depandan votè sila, ki fè votè a pa kapab vin vote nan biwo vòt la epi pa kapab vin chèche yon bilten pa korespondans an pèsòn.
 - Siyati votè a.

Atansyon: Si moun kap fè demann lan se pa votè enskri a, moun sa a fèt pou se yon fanmi pwòch oswa gadyen legal votè a epi bay non, adrès, sa li ye pou votè a, siyati (demann alekri sèlman), ak nimewo pèmi kondwi li (si disponib).